

Lozsih Yangh Cungsim Siujyoz Caemhsim Haenqguh Aeundaej Cingzcik Moq

逻西乡中心小学齐心奋发写就新篇章

□ Dangz Luogz



▲ Hagseng rox yienj vwnzyi cezmuiz lai.

◀ Lauxsae nyinhcaen cazyawj hagseng guh cozyez.



▲ Lauxsae cox haenqrenz doxdax hwnj youhcizgo.



▲ Gyoengq lauxsae ciensim hag gisuz sonhag moq.



▲ Lauxsae daiqlingx hagseng guh hozdung gig mizyinx.



▲ Aen douhung hix miz daegsaek raeuh.



▲ Lauxsae vixinx hagseng camgya gangj gojgaeq Vahcuengh doxdax aeundaej cingzcik ndei.

Lozyez Yen Lozsih Yangh Cungsim Siujyoz 1959 nienz 9 nyied hainduiz laeb, dieg nemgyawj Gveicouh Swngj, liz yienhsingz 54 goengleix. Ciuq Lozyez Yen Gyauryuz Vangj lwnh, daengx aen hagdangz gungh ciemq dieg 8200 bingz-fanghmij, dieg guh hagdangz 7690 bingzfanghmij, ranz hagdangz 2410 bingzfanghmij. Seizneix miz hagseng 554 boux, lauxsae 27 boux, ndawde 13 boux miz cunngaep cizcwngx doxhwnj, lauxsae yozliz cienzbouh hab iugouz.

Geij bi neix, aen hagdangz neix gyarengz gajndei nem cauxguh diuzgen, gak fuengmienh gajndei gig lai. Bang lingjdauj ndaw hagdangz nyinhcaen banh saehsaed, haenq-rengz beizyangj buek lauxsae suciz sang ndeu, ciensim son'gyauq hagseng maenhndei, sonhag cizlieng mboujduenh daezsang, lai baez ndaej bingzguh yienhgaep "senhcin zozyau".

It. Hagdangz: Baengh Vahcuengh guh daegsaek sonhag

Daj aen hagdangz neix songyauq Cuengh Gun song saw vah daeuj, cugmbaek cauxbaenz banhhag daegsaek moq, couhdwg "aeu Cuengh guh cawj, Cuengh Gun giethab, aeu Cuengh coi Gun, Cuengh Gun cungj rox."

Gaenh bi daeuj, aen hagdangz neix ciuq gyauryuz gveihliz nem vahgangj fazcanj gveihliz, ciuq gij cingzgvang gvendaengz vahgangj dangdieg, roengzrengz raroen nem guh ndei Cuengh Gun song saw vah sonhag. Gawjbanh hozdung doxdax gangj gojgaeq Vahcuengh, senj hagseng maenhndei bae Namzningz doxdax gangj gojgaeq Vahcuengh, aeundaej cingzcik ndei. Youq daihngaih gaj daengx gih siujhagseng doxdax gangj gojgaeq Vahcuengh byauhcuinj, aen hagdangz neix rock(ngeih) ban boux hagseng heuhguh Bungz Suhgiz camgya, de

gangj goj 《Liuz Sanhcej》，ndaej ngeihdaengjciengj; youq daihsam gaj daengx gih siujhagseng doxdax gangj gojgaeq Vahcuengh byauhcuinj, aen hagdangz neix sam(it) ban boux hagseng heuhguh Loz Sinhyingj camgya, de gangj goj 《Guenqngvax Caeuq Guenqdiet》，ndaej ngeihdaengjciengj.

Lozsih Yangh Cungsim Siujyoz youq ndaw cin dwg aen hagdangz siujyoz vunzsoq haemq lai. Daengx hagdangz gungh miz 13 aen ban, gyoengqde cungj guh Cuengh Gun song saw vah sonhag.

Ngeih. Lauxsae: Caemhsim haenqguh son'gyauq ndaej ndei

Dangqnaj, aen hagdangz neix miz buek lauxsae maenhndei ndeu, gyoengqde gyaenz hong gaengguh, nyinhcaen guh hong, gingniemh fungfouq, neix bauj ndaw hagdangz gak hangh hong, daegbied dwg hong sonhag guh ndaej swnhleih.

Aen hagdangz neix sonhag hozdung lai cungj lai yiengh, moix haggeiz cungj doxdax hwnj youhcizgo. 2014 nienz haggeiz seizcin, aen hagdangz neix baij Moz Yenjcwngh lauxsae camgya aen hozdung doxdax hwnj yijvwnz (youz Lozyez Yen Gyauryuzgiz banh), de aeundaej ngeihdaengjciengj. 2014 nienz haggeiz seizcou, aen hagdangz neix baij Cinz Siujginz lauxsae camgya aen hozdung doxdax hwnj suyoz (youz Lozyez Yen Gyauryuzgiz banh), de aeundaej ngeihdaengjciengj. Neix yienh'ok le doenghboux lauxsae ndaw hagdangz gingniemh fungfouq, yienghsiengq maenhndei. Gyoengqde caemhsim gyaenz hagdangz, okrengz cauxmoq, gyaenz hagseng, nyinhcaen guh, mboujduenh naemjau fazcanj lai ndei, gak hangh hong guh ndaej gig ndei.

Sam. Hagseng: Gangj daengz guh daengz, suciz haemq sang

Dangqnaj, aen hagdangz neix

gungh miz 554 boux hagseng, dieg hagdangz mbouj suenq gvangq, hoeng moix baez roengzdangz, guh cauicauh roxnaeuz gogenhcauh, noix raen hagseng doxcaenx doxloengh doxgyaep. Aen hagdangz neix hengz aen cidu "ngoenz baet sam mbat", gak ban bouxcizyiswngx gag rox guh ndei hong baetseuq. Gaxgonq miz hagseng luenh vit nyapnyaj, seizneix mbouj miz lo. Dangqnaj, moix baez ngaizromh, ngaizringz, ngaizhaemh, noix raen hagseng luenh couq(dauj) ngaizlw byaeklw; youq ndaw hagdangz, seiz haeujok hwnjroengz, hagseng gag rox lej byaij lej gangj, byaij roen roxveq doxnyienh, neix dwg hagseng roxsoq roxyiuj yienghsiengq ndei. Son ndei hagseng baenzlawz gangjavah nem hengzguh, hawj hagseng lai gag rox guenj bonjdang, rox aeu cinbu.

Dangqnaj, aen hagdangz neix doenghyienh caezcienz, gak cungj gunghnwnzsz miz haemq caez. Daegbied dwg geij bi neix, aen hagdangz neix leihyungx 10 fanh maenz(youz Swcigih Minzyijveij soengqhawj) daeuj cawx sezbei sonhag, daezsang le gij yendaiva suijbingz gvendaengz sezbei sonhag. Seizneix, ndaw hagdangz lingjdauj "gag rox aeu lai maenhndei, gaengguh maij hag, rox guh guenjleix, gamj bae cauxmoq, haenq aeu baenaj", lauxsae "gyaenz hong gaengguh, rapdawz cwzyin, gingniemh fungfouq", hagseng "da yawj baenaj, suciz cienzmienh, gosong fouqmiz", gak baih caemhsim haenqguh, mboujduenh guh ndei Cuengh Gun song saw vah sonhag, aeundaej gyauryuz cingzcik moq.